



**Nunatsinni sygeforsikring atuutilissagaluarpata suut pitsaaqutaassanersut suullu ajoqutaassanersut pillugit apeqquteqaat aallaavigalugu oqallisissiaq.**

(Inatsisartunut ilaasortaq Siverth K. Heilmann, Atassut)

Inatsisartunut ilaasortaq Siverth K. Heilmann qutsavigerusupparput apeqquteqaat aallaavigalugu oqallisissiaq pillugu siunnersuutaa pillugu.

Peqqinnissaqarfimmi ajornartorsiutit pillugit Atassutip ernummatai naliginnaasut isumaqatigaagut aamma apeqquteqaat aallaavigalugu oqallisissiaq pillugu siunnersuummi tunngavilersuutigineqartut amerlasuut ilisarilluarsinnaavagut.

Ajornartorsiutit piffissap ingerlanerani minnerulernaviangillat aamma pisariaqarpoq politikikkut arlalissuit isummerfiginissaat.

Nunatsinni nakorsiarneq akeqalinngisaannassaaq taamaakkaluartoq ukiut kingulliit ingerlanerini aamma takusarpagut nappaatit pinngitsoortinneqarsinnaagaluartut inooriaatsimik allannguinnikkut soorlu pujortartarnerup aamma peqqinnanngitsunik nerisaqarnerup kinguneranik.

Immitsinnut paarilluarnerusariaqarpugut aamma inuunitsinnut peqqissuunissatsinnullu akisussaassuseqarnerusariaqalerpugut. Apeqqutaaginnarunarpog politikikkut qanoq sinaakkusiisoqarsinnaanersoq innuttaasut inuunerminnut ullumikkut pinaveersaartitsiviunngitsumut allamik isumaqalernissaannut allaat kinguneqarsinnaasartunik nappasimalernermik uffa pinngitsoortinneqarsinnaagaluartoq inooriaaseq nammineerluni allangortissinnaagaanni.

Oqallisigineqarsinnaavoq atuisutut akiliisalernissaaq aqqutissaanersoq tunngaviusumilli isumaqarpugut peqqinnarnerusumik inuuneqalerusunneq innuttaasuuminganneertariaqartoq uangut atuisut akiliisalernissaannik aalajangiinissarpugut pisariaarullugu. Atuisut akiliisinneqartalissappata katataqartuartaavugut allaat allanit atungaliornernermik kinguneqartumik, tamannalu pinngitsoortinniartariaqarparput.

Kusanaqaaq sulliviit amerlialuttinnartut sulisutik napparsimalissagaluarpata suliaritartarnissaat qularnaarumallugu sillimmasiisalernikummata taamaasillutillu sulisutik periarfissillugit pisortat napparsimaviini utaqqisut allattorsimaffiini allatsissimasut qarsutiinnarlugit suliaritallernissaannut. Aamma tamatuma takutippaa sulliviit amerlialuttuinnartut sulisumik peqqissuusariaqarnerannut akisussaaqataarusulersimasut, tamannalu pitsaalluinnarpoq.

Soorlu Naalakkersuisup eqqaagaa pisortat sillimmasiisalissagaluarpata pisariaqarpoq namminersortunik napparsimaveqarnissaaq, tamakkulu massakkuugallartoq nunatsinni pigingilagut, kisianni siusinnerusukkut



Atassutip apeqquteqaat aallaavigalugu oqallisissiaani oqaatigineqartut namminersortunik napparsimaviliortoqarsinnaanera killilersorneqanngilaq.

Nunarsuup sinneranut naleqqiullugu Kalaallit Nunaanni naartuersittartut amerlanerpaapput. 2017-mi arnat 1000-iungaangata 67,5 -t 15-niik 49-nut ukiullit naartuersissimapput. Caribiap ilaani aamma Sydafrikami taamaallaat nunatsinnit naartuersittartut amerlatigigajapput.

Ukiuni kingullerni arnat 800-t 900-llu akornanni amerlassusillit naartuersittarpoq ukiut tamaasa aamma ukiut kingulliit tallimat ingerlanerini taakku amerliartuaarnikuupput. Politikkikkut tamanna iliuuseqarfigisariaqalerparput. Ukiut tallimat kingulliit ingerlanerini Kalaallit Nunaanni naartuersittarnernut ukiumut 40 millioner koruunit missaat atortarpagut.

Arnat nalungikkajuttarpaat naartunaveersaatit atortariaqarlutik naartorusunngikkunik, atortanngilaalli naak Kalaallit Nunaanni naartunaveersaatit akeqanngikkaluartut. Tamatuma takutiinnarpaa naartuersittarnek naartunaveersaatit atorneqartoq, taamatullu isumaqarnek Demokraatini isumaqarpugut akuerineqarsinnaanngitsoq.

Kinguaassiutitigut peqqinnartumik pissuseqarnissaq pillugu isuma pissuserlu allanngortittariaqarput tamannalu soorunami pissaaq kinguaassiutit pillugit meeqqat atuarfianni ilinniartitsineq aqutigalugu aamma tamanna ingerlateqqittarlugu soorlu Majoriami aamma ilinniarnertuunngorniarni. Aamma nukittorsaaqarsinnaavoq imigassamik ikiaroorartumillu hashimik atornerluinerup pinaveersaartinneranut atatillugu, inuttummi ajornartorsiutit aamma akisussaassuseqanngitsumik atoqatigiittarnernut sunniuteqarsinnaasarmata.

Angajoqqaat ilinniartitsisullu kinguaassiutit pillugit meeqqanik oqaloqateqartarnerminni ammanerusariaqarput taamatullu naartunaveersaatit pillugit, meeqqanut inuusuttunullu paasinerqqulugu timiminut atoqatigiittarnermullu tunngatillugu akisussaassuseqarnerusariaqartut.

Eqqortuusinnaanngilaq akisussaassuseqanngitsuliernerit peqqinnissaqarfitsinnit akilerneqartassappata. Peqqinnissaqarfiup piffissani nukinilu atortariaqarpai inunnut nammineq pisuussutigingisaminnik napparsimalersimasunut, soorlu nappaassuarmik kræftimik eqqorneqarsimasunut allatigullu perululersimasunut sukumiisumik katsorsarneqarnissaminnut pisariaqartitsisunut.

Naartuersittoqartinnagu peqqinnissaqarfiup arnaq naartunaveersaatit pillugit oqaloqatigiuannarpaat, taamaakkaluartoq peqqinnissaqarfiup misiguarpaat arnat ilaasa neqeroorummut naaggaartarnerat imaluunniit akuersereeralarlutik imaaliallannerinnakkut atuijunnaartarnerat.

Isummertarnerup allanngortinnissaa tassatuaavoq naartuersittarnerit amerlaqisut ikilisarnissaannut sakkussaasoq tamannalu angusinnaavarput pinaveersaartitsinitta nukittorsarneratigut. Pinaveersaartitsinerit siunertaraat nunatsinni peqqinnartumik atoqatigiittalernissarput.

Taakku oqaatigeriarlugit qilanaarpugut oqallinnissamut pissanganartumut.